



UKA 2015/112
11. november 2015
Hans Aronsen

Savaatillit nersutaatillillu inuussutissarsiuteqarnerannut nanoqartalenera qanoq annertutigisumik ajornartorsiutaalersimanera, tamatumanilu qanoq iliuseqarfigineqarsinnaanera pillugu Naalakkersuisut misissuisitsissasut Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Ukiorpassuarni Nannut kalaallinut inuiaqatigiinnut piorsarsimassutsikkut pingaaruteqartuaannarsimapput. Sineriattoorsuugaluarluta NANOQ piniakkatut tamani assigijaaamik misigissuseqarfigalugulu ilisimasaqarfigaarput. Nanorsuaq kalaallip nannumik atuilluartup isaani ataqqinartut ataqqinaammillu pissarsivittut, unammilleruminaatsumik pissaaneqartut, allaallu piniakkatut pisuussutitut nalissaqanngitsutut sunniuteqartartut .

Inuit Ataqatigiinniillu Inatsisartunut ilaasortaaqatitta Aqqaluaq Biilmann Egedep nannut savaateqarfinni takussaajartuinnartumik inuussutissarsiummullu innarleeratarsinnaasumik takkuteriasaartalenera pillugu naalakkersuisunut misissuitsinnissaannut siunnersuuteqarneranut soqutiginnartumut qujavugut.

Ilisimasaraarput Nanoq uumasuusoq qaasuttorsuaq nujuartarujussuarlu nerisaqarnermigut imminut piniulluni imartarsuatsinni sikumi nunamilu uumasuusoq, aammalu ilisimasaqarfigilerparput ukiuni kingullerni ajornannginnerusumik nerisaqarnissani allallu pissutigalugit sinerissamut INUIT najungaannut qanillingaluttuinnartoq, ajuusaarnaraluartumilli ilaatigut ajornartorsiutinik annertuunik nassataqarluni takkuttalersoq. Inuiannut inuusaatsikkullu naleqquttumik iliuseqarfigalugu aaqqiissuteqarniassasugut Inuit Ataqatigiinniit isumaqarpugut.

Qangarsuarli Inuit nanoq inoqarfiup eqqaanut pigaangat ajoquusiinnginnerani qimaannginneraniluunniit erngerlugu piasaripaap, atisatigut nerisatigullu atortutigullu pisariaqarteqigamikku. Ullumikkulli nannumut atuneq allannguuteqarpallaanngilaq sulimi kulturetinnut pingaarutilimmik inissisimavoq pinngitsoorneqarsinnaanani aamma savaateqarfinni.

Aasaq Savaatillit ataatsimeersuarneranni Aqqaluaq B Egede allallu inatsisartuni ilaasortat naalakkersuisullu peqataasut aarleqqummik oqariartorfigineqarsimasut. Tamannalu tunngavigalugu ajornartorsiut annertusivallaartinagu naalakkersuinikkut immikkut iliuseqarfigineqartariaqarmat, siunnersuullumi sulianut ingerlaavartunut ilanngunneqartariaqartoq Inuit Ataqatigiinniit isumaqarpugut.

Ukiunilu kingullerni nannut nunatta kujataani akulikilliarortumik takkuttarneri malinnaavigaavut, savaateqarfiillu eqqaanni takkuttartut saniatigut kujataani sinerissami pisaasartut qaqutigoorunnaarluttuinnartut naalakkersuisut akissummini ilaatinngisaat eqqumiiginalaannngitsunngilaq. Naak ilisimaneqartoq nannut kilometererpassuit naamasaqarlutik ingerlapallassinnaasartut.

Paasinarpoq savaatillit inuussutissarsiumminnik allatuulli inuussutissarsiutilittut illersuerusussuseqarmata, nukipassuit atorlugit inuussutissarsiut ukiorpassuarni

ineriartortissimasartik inuussutigerusuppaat naalackersuinikkut ingerlaavartumik
tapersersorneqartariaqartoq.

Naalackersuisut itigartitsinerminni tunngavilersorluartorujussuugaluartut qulaani
taakkartukkavut ilasaqarluartullu Inuit Ataqatigiinniit ataatsimiititaliakku
suleqataaffigerusullugit suliakkiussaqaq manna taperserlugu Nunalerinermut Ataatsimiititaliamut
ingerlateqqippaput.